



**Broj:**  
**Sarajevo, 19.04.2023.**

**Skupština Kantona Sarajevo**  
**Zastupnik Prof. dr. Damir Marjanović**

**BOSNA I HERCEGOVINA**  
**FEDERACIJA BOSNA I HERCEGOVINA**  
**KANTON SARAJEVO**  
**SKUPŠTINA KANTONA SARAJEVO**  
**VLADA KANTONA SARAJEVO**  
**MINISTARSTVO ZDRAVSTVA KANTONA SARAJEVO**  
**n/r ministar Haris Vranić**

## **PREDMET: ZASTUPNIČKA INICIJATIVA**

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo” - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničku inicijativu Skupštini Kantona Sarajevo, Vladi Kantona Sarajevo te resornom Ministarstvu.

### **INICIJATIVA:**

- Podnosim inicijativu da Ministarstvo zdravstva Kantona Sarajevo, što hitnije, obezbijedi dovoljne količine zaliha i **riješi čest i kontinuiran problem nedostatka citostatika za onkološke pacijente.**

### **OBRAZLOŽENJE:**

Onkološki pacijenti u Bosni i Hercegovini su prepušteni sami sebi, kako zbog birokratije, tako i zbog nedovoljnog odvajanja budžeta i/ili farmaceutske industrije za pomoć pri njihovom liječenju. Ništa bolja situacija nije ni u Kantonu Sarajevo, bez obzira što važi za Kanton u kojem je možda i najbolja usluga za ovu populaciju osoba.

Nažalost, čest i kontinuiran problem je nedostatak citostatika za onkološke pacijente, gdje se kao rješenje nameće potreba za osiguranjem dovoljnih količina (zaliha) ovih lijekova za godinu unaprijed, shodno broju oboljelih koji nažalost svakodnevno raste.

Prepućavanja na realaciji KCUS i ZZOIR FBiH ne smiju biti razlog zbog kojeg će osnovno životno pravo pacijentu biti ugroženo. Pacijenti se susreću sa raznim opravdanjima, pa tako KCUS tvrdi da citostatike može nabavljati isključivo ZZOIR FBiH, te moli građane da se za sve nejasnoće i nedostatak citostatika obraćaju direktno ZZOIR-u, jer su oni jedina ovlaštena ustanova i nadležni za nabavljanje istih. Sa druge strane, ZZOIR FBiH traži opravdanje u tome što je došlo do problema i poremećaja u proizvodnji te nudi opciju refundiranja troškova nabavke lijekova za one koji ne mogu doći do citostatika na vrijeme.





Međutim, u praksi, do lijeka je nemoguće doći ni putem raznih privatnih apoteka koje su pronašle prostor za dodatnim bogaćenjem preko leđa pacijenata. Mnogi citostatici su dostupni van prostora Bosne i Hercegovine, ali je veoma teško nabaviti ih zbog raznih drugih problema vezanih za carinu, uvoz i slično.

Trenutno stanje je takvo da KCUS tvrdi da ZZOIR FBiH već duži vremenski period ne isporučuje neophodne citostatike. Zalihe su potrošene i mnogi naši sugrađani su prepušteni sami sebi. Neophodno je što prije reagovati i riješiti problem u ovoj oblasti. Vremena za čekanje nema!

Kao primjer ćemo navesti nedostatak lijeka Kalciji folinat 600 mg. Ovaj lijek se koristi kao treća komponenta kod metastatskog karcinoma probavnog trakta. Njegova tržišna cijena je 180,00KM po dozi i veoma teško ga je nabaviti i kod apoteka koje imaju potpisan ugovor o refundiranju sa ZZOIR FBiH.

Za metastatski karcinom dojke postoje liste čekanja od mjesec do godinu dana! Ko je spreman sutra odgovarati zbog gubitka ljudskih života i uskraćivanja osnovnih ljudskih prava?

S poštovanjem,



**prof. dr. Damir Marjanović**

